



SPORAZUM

o naučnoistraživačkoj, obrazovnoj i tehničkoj saradnji

Ovaj sporazum zaključen je dana 23.03.2016. godine u Beogradu između:

- 1) **Univerzitet u Sarajevu, Prirodno-matematički fakultet**, Zmaja od Bosne 33-35, Sarajevo, koga zastupa dekan prof. dr Rifat Škrijelj (u daljem tekstu: PMF Sarajevo)
- 2) **Univerzitet u Banja Luci, Prirodno-matematički fakultet**, Mladena Stojanovića 2, Banja Luka, koga zastupa dekan prof. dr. Goran Trbić (u daljem tekstu: PMF Banja Luka)
- 3) **Univerzitet u Beogradu, Hemijski fakultet**, Studentski trg 12-16, koga zastupa dekan prof. dr Ivan Gržetić (u daljem tekstu: Hemijski fakultet Beograd)
- 4) **Univerzitet u Novom Sadu, Fakultet tehničkih nauka**, Trg Dositeja Obradovića 6, Novi Sad, koga zastupa dekan prof. dr Rade Doroslovački (u daljem tekstu: Fakultet tehničkih nauka Novi Sad)

Zajednički naziv za sve učesnike Sporazuma je „ugovorne strane“.

S obzirom da postoji zajednički interes u cilju razmjene naučnih saznanja, izrade zajedničkih projekata i razmjene, usavršavanja i obrazovanja istraživača, ugovorne strane su se dogovorile ovim Sporazumom koji slijedi:

Član 1.

Ovim Sporazumom obrazovne institucije četiri Univerziteta iz Bosne i Hercegovine i Srbije: PMF Sarajevo, PMF Banja Luka, Hemijski fakultet Beograd i Fakultet tehničkih nauka Novi Sad spremne su na međusobnu naučnoistraživačku, obrazovnu saradnju i druge oblike saradnje u oblastima registrovane djelatnosti koje ugovorene strane već obavljaju u skladu sa zakonom.

Član 2.

Ugovorene strane imaju interes da se njihova dugoročna međusobna saradnja odvija kroz:

- uspostavljanje održivosti projekta „Network for education and training for public environmental laboratories; 530554-TEMPUS-1-2012-1-SK-JPHES, nakon njegovog završetka, a u kojem su obrazovne institucije, potpisnice ovog Sporazuma, bile aktivni učesnici,
- zajedničko učešće na međunarodnim projektima,

- naučnoistraživačka djelatnost u realizaciji međunarodnih i domaćih projekata,
- razmjena nastavnika, istraživača i drugih saradnika,
- realizacija naučno-nastavnih planova i programa doktorskih i postdoktorskih studija,
- učešće u realizaciji ekspertskih djelatnosti,
- razmjena istraživača, nastavnika, saradnika i studenata,
- razmjena naučnih iskustava i dostignuća,
- razmjena publikacija,
- organizacija i učešće u radu naučnih i stručnih konferencija, kurseva, seminara i radionica,
- učešće u realizaciji nastave i
- ostale aktivnosti od zajedničkog interesa.

Član 3.

Sporazumom su generalno definisani elementi naučnoistraživačke, obrazovne i tehničke saradnje između ugovornih strana.

U slučaju da neki od oblika saradnje nije obuhvaćen ovim Sporazumom, kao i u svim drugim slučajevima kada se to zajednički konstatuje, biće potpisan posebni ugovor o regulisanju predmeta saradnje.

Član 4.

U okviru mogućnosti koje pružaju odredbe Člana 2 ovog Sporazuma, obrazovne institucije, potpisnice Sporazuma, će posebnim aneksom Sporazuma ugovorno definisati međusobna prava i obaveze u svakom konkretnom zajedničkom projektu.

Član 5.

Dogovorenu saradnju iz ovog sporazuma potpisnice će implementirati na sljedeći način:

1. zajednička istraživačka i obrazovna djelatnost će se ostvarivati realizacijom bilatelarnih i multilateralne projekata koji podrazumijevaju učešće i drugih subjekata koje nisu potpisnice ovog sporazuma,
2. potpisnice sporazuma će omogućiti razmjenu istraživača i studenata u funkciji istraživačkih projekata i doktorskih disertacija.

Član 6.

Svaka potpisnica Sporazuma obezbijedit će vlastite izvore finansiranja za realizaciju konkretnih oblika saradnje, ili će izvor finansiranja biti obezbijeđen realizacijom zajedničkih naučno-istraživačkih i drugih projekata.

Član 7.

U slučaju dogovorenog oblika saradnje svih članica potpisnica Sporazuma ili pojedinačnog dogovorenog oblika saradnje dvije (tri) obrazovne institucije, potpisnice Sporazuma, zaključit će posebni Ugovor o regulisanju međusobnih prava i obaveza.

Član 8.

Strane ugovornice su saglasne da sve međusobne nesporazume rješavaju uz obostrano uvažavanje, u međusobnom kontaktu i dogovoru.

Član 9.

Ovaj sporazum stupa na snagu kada ga potpišu predstavnici ugovornih strana, u skladu sa pravilima koja ih obavezuju.

Član 10.

Ovaj Sporazum se zaključuje na neodređeno vreme.

Član 11.

Izmjene i dopune ovog Sporazuma mogu se vršiti posebnim aneksima, na način i po postupku kako je Sporazum zaključen.

Član 12.

Svaka ugovorna strana može zahtjevati raskid ovog Sporazuma ako nastupe takve okolnosti koje dovode ugovornu stranu u neravnopravan položaj ili koje bitno povređuju interese ugovorne strane bez njene krivice, uz obavezu da svakoj od potpisnica Sporazuma podnese pismeni zahtjev za raskid najmanje 6 mjeseci ranije.

Član 13.

Sva obavještenja i korespondenciju ugovorne strane će dostavljati na službene adrese, e-mailom, telefonom i faksom.

Član 14.

Ovaj sporazum je sačinjen u osam istovjetnih primjeraka od kojih svaka ugovorna stana zadržava po dva primjerka.

1. Univerzitet u Sarajevu,
Prirodno-matematički fakultet

DEKAN

Prof. dr. Rifat Skrijelj

2. Univerzitet u Banja Luci,
Prirodno-matematički fakultet

DEKAN

Prof. dr. Goran Trbić

3. Univerzitet u Beogradu,
Hemijski fakultet

DEKAN

Prof. dr. Ivan Gržetić

4. Univerzitet u Novom Sadu,
Fakultet tehničkih nauka

DEKAN

Prof. dr. Rade Doroslovacki